

Kantonalno javno komunalno preduzeće
„GRADSKI SAOBRAĆAJ“ d.o.o. Sarajevo
Srđana Aleksića 1, Sarajevo

UPRAVA PREDUZEĆA

Broj: 04/409

Datum: 23-06-2023

Na osnovu Člana 64. stav (1) tačka b), Člana 70. stav (1), (3) i (6) Zakona o javnim nabavkama BiH („Službeni glasnik BiH“ broj 39/14, 59/22), člana 21. Pravilnika o nabavci roba usluga i radova KJKP „Gradski saobraćaj“ d.o.o, Sarajevo, na Preporuku Komisije za javnu nabavku broj: 6615 od 22.06.2023. godine u otvorenom postupku javne nabavke roba: „Komprimirani prirodni plin CNG - LOT 2035 A“, Uprava preduzeća donijela je

ODLUKU
o izboru ponuđača
u postupku javne nabavke roba: „LOT 2035A - KOMPRIMIRANI PRIRODNI PLIN CNG“

Član 1.

Prihvata se Preporuka Komisije za javne nabavke broj: 6615 od 22.06.2023. godine i Okvirni sporazum za nabavku roba: „KOMPRIMIRANI PRIRODNI PLIN CNG - LOT 2035 A“, nakon provedenog Otvorenog postupka javne nabavke, Obavještenje o nabavci broj: 257-1-1-93-3-135/23 od 31.05.2023. od 31.05.2023 i u „Službeni glasnik BiH“ broj: 40 od 02.06.2023. godine, dodjeljuje se ponuđaču „KJKP „SARAJEVOGAS“ d.o.o. Sarajevo, Trg Fadile Odžaković Žute br.4, 71000 Sarajevo, na osnovu Ponude, koverta broj: 6574 od 21.06.2023. godine, pod uslovima:

- | | |
|----------------------|--|
| (1) Ponuđena cijena: | 608.000,00 KM bez PDV |
| - PDV | 103.360,00 KM |
| - Ukupna cijena: | 711.360,00 KM sa PDV |
| - Cijena | 1,52 KM/kilogram bez PDV |
| (2) Količina: | 400.000 kilograma |
| (3) Način plaćanja : | 15 dana od dana fakturisanja |
| (4) Kvalitet: | Kao u tehničkom podacima i elementima ponude |
| (5) Rok isporuke: | 24 sata od prijema narudžbe |

Član 2.

Prijedlog Okvirnog sporazuma dostavit će se na potpis izabranom ponuđaču „KJKP „SARAJEVOGAS“ d.o.o. Sarajevo, Trg Fadile Odžaković Žute br.4, 71000 Sarajevo nakon obavještenja ponuđača o izboru najpovoljnijeg ponuđača u skladu sa članom 98. stav (2) Zakona o javnim nabavkama BiH.

Član 3.

Za izvršenje ove odluke zadužuje se i ovlašćuje Sektor autobusnog saobraćaja, Odjeljenje javnih nabavki i FRS.

Član 4.

Ova Odluka će se objaviti na web-stranici Ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) ZJN BiH.

Član 5.

Ova odluka stupa na snagu danom donošenja.

Obrazloženje

Postupak javne nabavke roba: „Komprimirani prirodni plin CNG – LOT 2035A“ pokrenut je na osnovu Odluke o pokretanju postupka nabavke broj: 04/43 od 27.01.2023. godine i Odluke o izmjeni Odluke broj 04/305 od 16.05.2023. godine

Planirana vrijednost javne nabavke bez PDV-a je 608.560,00 KM za jednu godinu.

Nabavka je provedena Otvorenim postupkom javne nabavke.

Obavještenje o nabavci broj: Obavještenje o nabavci broj: 257-1-1-93-3-135/23 od 31.05.2023. od 31.05.2023 i u „Službeni glasnik BiH“ broj: 40 od 02.06.2023. godine.

Komisija za izradu tenderske dokumentacije i provođenje postupka javne nabavke, (u daljem tekstu Komisija za nabavku), imenovana je Odlukom Uprave preduzeća broj: 04/64 od 03.02.2023. godine.

U otvorenom postupku javne nabavke „Komprimirani prirodni plin CNG – LOT 2035A“, u ostavljenom roku za dostavljanje ponuda, dostavljena je jedna ponuda od ponuđača i to:

➤ „KJKP „SARAJEVOGAS“ d.o.o. Sarajevo, Trg Fadile Odžaković Žute br.4, 71000 Sarajevo.

Komisija za nabavku je na dan utvrđen za otvaranje ponuda, dana 21.06.2023. godine izvršila otvaranje ponuda i sačinila Zapisnik sa otvaranja ponuda, u kojem je utvrdila sljedeće:

- da je ukupan broj prispjelih ponuda 1 (jedna) ponuda;
- da je blagovremeno zaprimljena 1 (jedna) ponuda.

Nakon prvog vizuelnog pregleda ponuda ponuđača utvrđeno je da je dostavljena ponuda čvrsto uvezana i osigurane jemstvenikom u skladu sa zahtjevima iz tenderske dokumentacije, u originalu i jednoj kopiji. Nakon toga je Komisija izvršila tehničku evaluaciju pristigle ponude i utvrdila da su robe ponuđene u pristigloj ponudi u skladu sa tehničkim karakteristikama traženim u Tenderskoj dokumentaciji.

Komisija za nabavku je pristupila evoluciji ponude te utvrdila sljedeće:

- 1) Ponuda ponuđača KJKP „SARAJEVOGAS“ d.o.o. Sarajevo je prihvatljiva u pogledu ispunjavanja zahtjeva iz tenderske dokumentacije.
- 2) Cijene pristigle prihvatljive ponude ponuđača KJKP „Sarajevogas“ d.o.o. Sarajevo koja iznosi 608.000,00 KM bez PDV-a i konstatuje da pristigla ponuda ne prelazi procijenjenu vrijednost od 608.560,00 KM bez PDV-a.

Nije vršeno ispitivanje neprirodno niske cijene s obzirom da je samo jedna pristigla ponuda ocijenjena kao prihvatljiva. Naime, na osnovu Uputstva o načinu pripreme modela tenderske dokumentacije i ponuda („Službeni glasnik BiH“ broj 90/14) cijena je neprirodno niska ako su ispunjeni sljedeći uslovi: cijena ponude je za više od 50% niža od prosječne cijene preostalih prihvatljivih ponuda (ukoliko su primljene najmanje tri prihvatljive ponude) ili cijena ponude je za više od 20% niža od cijene drugorangirane prihvatljive ponude.

- 3) E-AUKCIJA: S obzirom da je Komisija utvrdila da je samo jedna pristigla ponuda i da je ista prihvatljiva, e-aukcija se ne može zakazivati.

Naime član 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) glasi „U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona“.

Nakon pregleda pzarpljene ponude i ocjene iste Komisija za javnu nabavku napravila je Zapisnik o ocjeni ponuda broj:6615/2 i Preporuku o izboru ponuđača broj: 6615 od 22.06.2023. godine kojom predlaže da se okvirni sporazum dodijeli ponuđaču „KJKP „SARAJEVOGAS“ d.o.o. Sarajevo, Trg Fadile Odžaković Žute br.4, 71000 Sarajevo kao kvalifikovanom ponuđaču u postupku javne nabavke roba: „Komprimirani prirodni plin CNG – LOT 2035 A“ i čija ponuda je prihvatljiva za ugovorni organ .

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike.

Uprava preduzeća je ocijenila da je Komisija u svom radu u potpunosti poštivala Zakon o javnim nabavkama BiH i podzakonske akte, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskoj dokumentaciji,

Na osnovu tenderske dokumentacije utvrđeno je da je izabrani ponuđač ocjenjen na osnovu kriterija:

➤ Najniža cijena, odnosno na osnovu kriterija utvrđenih u obavještenju o nabavci i tenderskoj dokumentaciji, kako slijedi:

Naziv/ime ponuđača	KJKP „SARAJEVOGAS“ d.o.o. Sarajevo
Adresa	Trg Fadile Odžaković Žute br. 4, 71000 Sarajevo
Cijena / kilogram bez PDV	1,52 KM
Ukupna cijena ponude bez PDV-a	608.000,00 KM
PDV	103.360,00 KM
Ukupna cijena ponude sa PDV-om	711.360,00 KM
Plaćanje	15 dana od dana fakturisanja
Kvalitet usluge	Kao u tehničkim podacima i elementima ponude
Rok isporuke	24 sata

Prema utvrđenom kriteriju „Najniža cijena“ ocjenjeno je da je u postupku javne nabavke roba: „KOMPRIMIRANI PRIRODNI PLIN CNG - LOT 2035 A“ ponuđač „KJKP „SARAJEVOGAS“ d.o.o. Sarajevo kvalifikovan ponuđač i ponuda je prihvatljiva za ugovorni organ.

Iz navedenih razloga, primjenom člana 64. stav (1) tačka b) Najniža cijena, Zakona o javnim nabavkama BiH, te člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, odlučeno je kao u članu 1. ove odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke. Žalba se podnosi ugovornom organu, u pisanoj formi, u najmanje tri (3) primjerka.

Za Ugovorni organ
Predsjedavajući Uprave preduzeća
V.d. Generalni direktor
Mr. Senad Mujagić

Dostaviti:

1. „KJKP „SARAJEVOGAS“ d.o.o. Sarajevo, Trg Fadile Odžaković Žute br.4, 71000 Sarajevo
2. Uprava preduzeća
3. Odjeljenje javnih nabavki (u spis)
4. Odjeljenje javnih nabavki
5. Odjel Interne revizije
6. Arhiva